

# Hocouh Youq Cauhbingz Eufwen Geiqniemh 《Fueng'anq Sawcuengh》Fatbouh 60 Hopbi

## 贺州市纪念《壮文方案》颁布 60 周年 暨歌手提升班文艺晚会在昭平县举行

11 nyied 21 hauh doengxhaemh, “Hocouh Si geiq-niemh 《Fueng'anq Sawcuengh》 fatbouh 60 hopbi nem canghfwen ban daezswng vwnzyi vanjvei” hozdung youq Cauhbingz Yen Vangzyauz Cin Mbanjcuengh Fungliz gawjhengz.

Hozdung yienhciengz, gij canghfwen Bouxcuengh daj Fungliz, Bazbu Gih Nanzyangh caeuq gij canghfwen Yauzcuz daj Fuloz ndaw yienh, Fuconh Hwzsanh, Cunghsanh Liengjanh, Bazbu Gih Budouz, Bingzgvei Dabingz daeuj haenx, ndang daenj buhvaq minzcuz, aeu fwen doiqciengq, habciengq caeuq fouxfwen giethab cungj fuengsik neix faenbied langhyienj le Bouxcuengh, Yauzcuz song aen minzcuz gij minghhoengh fwen vah bonjdieg, hawj bouxyawj soengq hwnj le ciengz heihoengh vwnzva Bouxcuengh Yauzcuz lai cungj lai yiengh ndei dingq youh ndei yawj he.

Vanjvei daengz cungqgyang le lij cab haeuj minzcuz cihsiz mizciengj camdap hozdung, yienhciengz vunzlai doxciengj camgya. (Hoz Vazlanz/何华兰)



▲ Sing fwen goksa  
danq aencingz dangj.



▲ Canghfwen Cuengh Yauz  
caemhdaiz eufwen.



▲ Gwnz yizsi haiguh hozdung  
yienj cezmuz ndei yawj.

### Dasinh Yen:

## “Dasinh Gyaundeidei Raeuh Bae Youz Mbouj Aeu Cienz”

### 大新县“大新美天下· 免费百日游”活动启动

11 nyied 29 hauh, Dasinh Yen youq aen yienh neix Gingjih Diegsien Lungzgungh gawjhengz aen yizsi haiguh hozdung “Dasinh gyaundeidei raeuh • bae youz mbouj aeu cienz”, senhbu Dasinh Yen vunz bonjdieg daj 11 nyied 27 hauh daengz bimoq 3 nyied 8 hauh baengh sinhfwnwcwng couh mbouj yungh mbon ngaenz cawx biuq bae youz ndaw yienh sojmiz gingjih, lij guh diuq fouxsaux, daem caez, vwnzyi yienjok daengj lai cungj lai yiengh hozdung, yinx ndaej haujlai hekyouz camgya caeuq daejniemh.

Ciuq cam rox, “Dasinh gyaundeidei raeuh • bae youz mbouj aeu cienz” aen hozdung neix dwg Dasinh Yen vih sawj vunzlai dangdieg guhcingq lijyouz hwngfat cwngzgoj, gamjsouh daengz lijyouz hwngfat heiqsik, caemhyienj lijyouz hwngfat cwngzgoj cix doiok gij youhvei hozdung neix, doengzseiz muengh dangdieg vunzlai doenggyaq youz gingjih le, bouxboux dang hwnj senhconzyenz, vih bonjdieg lijyouz hwngfat daezok yigen, genyi, coicaenh aen yienh neix lijyouz engq ndei engq vaiq hwngfat.

(Cinz Civanj/覃志婉 Yangz Sanyez/杨善越)

## Ningzmingz Minzcungh Daiq Hagseng Bae Bozvuzgvanj Bouxcuengh Yawjngonz

### 宁明县民族中学组织学生参观壮族博物馆

11 nyied 25 hauh, Ningzmingz Yen Minzcuz Cunghyoz cujiz aen hag neix 73 boux hagseng gaujsi cingczik ndaej gaep A haenx bae Bozvuzgvanj Bouxcuengh Cungzcoj Si yawjngonz, son hagseng ndiepgyaez guekcoj, ndiepgyaez lajmbanj doenghgiy cingzcauh gyaundeidei neix, sawj hagseng rox lizsij gyaenanz Bouxcuengh caeuq vwnzva ronghsag Cunghvaz minzcuz, sawj lwgda yawj ndaej gvangqlangh, demlai cihsiz, gikcoi hagseng fathaenq roengzrengz hagsib.

(Luz Dezsanh/陆铁山 Liengz Gaiyi/梁界义)



▲ Hagseng youq bozvuzgvanj  
Bouxcuengh yawjngonz.

### Lozcwngz:

## Beixnuengx Duncuz Gvaq “Cietbya” Hoh Fungsou

### 罗城：侗族同胞闹“鱼节”庆丰收



▲ Beixnuengx Duncuz mai naj-  
ndaem camgya gaebhya hozdung.

11 nyied 29 hauh, Lozcwngz Mulaujcuw Swciyen Lungzan Cin Damungz Cunh Mbanjnazlwnj gawj-hengz Duncuz “cietbya” hozdung moix bi gvaq mbat ndeu haenx, dangdieg beixnuengx Duncuz guh mai naj ndaem gaeb bya conzdung hozdung, ciengq golaux Duncuz, baij ngaizbakdaiz daengj, angq hoh fungsou, yinx ndaej haujlai vunzmbanj caeuq hekyouz daeuj ngonzyawj caeuq camgya.

Ciuq cam rox, mbanj Duncuz dangdieg gawjbanh “cietbya” gaenq miz 300 lai bi lizsij.

(Liu Gvanghfuz/廖光福)